

---

## Fwd: Interpretación excepcións ás restricións de mobilidade (deporte federado)

---

Federación Galega de Pesca <federacion@fgpesca.org>

20 de novembro de 2020, 13:24

----- Mensaje reenviado -----

**Asunto:** Interpretación excepcións ás restricións de mobilidade (deporte federado)

**Fecha:** Fri, 20 Nov 2020 12:04:09 +0000

**De:** Deporte, Incidencias Federacións <[incidencias-federacions.deporte@xunta.gal](mailto:incidencias-federacions.deporte@xunta.gal)>

Na data do 5 de novembro de 2020 na reunión mantida entre a Secretaría Xeral para o Deporte e as Federacións Deportivas de Galicia, analizouse a aplicación do Decreto 179/2020, do 4 de novembro, do presidente da Xunta de Galicia, polo que se adoptan medidas no territorio da Comunidade Autónoma de Galicia para facer fronte á crise sanitaria, na condición de autoridade competente delegada no marco do estado de alarma declarado polo Real decreto 926/2020, do 25 de outubro, polo que se declara o estado de alarma para conter a propagación de infeccións causadas polo SARS-CoV-2.

Deste xeito trasladouse a interpretación relativa ás excepcións ás restricións de mobilidade impostas con relación ao deporte federado, baixo os principios de excepciónais, en todo caso xustificadas e baixo un criterio de responsabilidade.

Ao obxecto de evitar os posibles perxuízos a deportistas por unha interpretación incorrecta das excepcións previstas, **trasládanse novamente os criterios xustificadas e obxectivos que permiten excepcionar as restricións de mobilidade:**

1. Quedan exceptuados de tales limitacións aqueles desprazamentos, adecuadamente xustificadas, que se realicen en cumprimento de obrigas laborais e profesionais, conforme o disposto na letra b) do número 3 do punto primeiro do Decreto 179/2020, do 4 de novembro, e na letra d) do número 1 do artigo 5 do Real decreto 926/2020, do 25 de outubro.
2. Con relación a “*Calquera outra actividade de análoga natureza, debidamente acreditada*”, previsto na letra k) do número 3 do punto primeiro do Decreto 179/2020,

do 4 de novembro, e na letra h) do número 1 do artigo 5 do Real decreto 926/2020, do 25 de outubro, considéranse xustificadas os desprazamentos para a realización dun adestramento vinculado á participación nunha competición incluída no calendario oficial da correspondente federación deportiva e/ou pola participación nunha competición deste tipo. Neste suposto deberase de acreditar:

1. Que non existan alternativas de realización do adestramento e/ou da celebración da competición nun ámbito territorial que non exixa un desprazamento afectado polas limitacións á liberdade de circulación vixentes.
2. Que o desprazamento se realice por algunha ou algunhas das seguintes persoas:
  - a. Por persoas deportistas federadas de alto nivel, de alto rendemento deportivo ou incluídas en programas de tecnificación e rendemento deportivo, recoñecidas polo Consejo Superior de Deportes ou pola Secretaría Xeral para o Deporte.
  - b. Por outras persoas deportistas federadas, respecto de competicións de ámbito estatal ou de ámbito autonómico non profesional cun calendario aprobado para a tempada 2020/2021.
  - c. As persoas técnicas ou adestradoras das persoas deportistas incluídas nos apartados anteriores.
  - d. Que a persoa que se desprace porte, durante o desprazamento, un certificado da correspondente federación ou club deportivo federado onde se certifique a condición do/a deportista e a causa da exención ás restricións de mobilidade.

En relación co exposto, as consecuencias que se deriven de calquera outra interpretación e a emisión dun certificado habilitando outros supostos de excepcións non contemplados, con relación ao deporte federado, será responsabilidade da persoa/entidade asinante.

Atentamente, un saúdo.